

Páirtithe sna príomhimeachtaí

Iarratasóir: MK

Freagróir: WB

Na ceisteanna a tharchuirtear

An bhfuil coimeádaí a ceapadh de réir dlí a dhéanann an ghníomhaíocht sin i gcáil ghairmiúil ina rialaitheoir de réir bhrí Airteagal 4(7) de Rialachán (AE) 2016/679 ⁽¹⁾ ó Pharlaimint na hEorpa agus ón gComhairle an 27 Aibreán 2016 maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin, agus lena n-aisghairtear Treoir 95/46/CE (An Rialachán Ginearálta maidir le Cosaint Sonraí – “RGCS”)?

An gceanglaítear air nó uirthi faisnéis a sholáthar i gcomhréir le hAirteagal 15 de RGCS?

⁽¹⁾ IO 2016 L 119, lch. 1.

Iarraidh ar réamhrialú ón Bundesgerichtshof (an Ghearmáin) an 15 Iúil 2022 – Laudamotion GmbH v flightright GmbH

(Cás C-474/22)

(2022/C 398/15)

Teanga an cháis: an Ghearmáinis

An chúirt an rinne an tarchur

Bundesgerichtshof (Cúirt Bhreithiúnais na Cónaidhme, an Ghearmáin)

Páirtithe sna príomhimeachtaí

Iarratasóir: Laudamotion GmbH

Cosantóir: flightright GmbH

Ceisteanna a tharchuirtear le haghaidh réamhrialaithe

1. An gceanglaítear leis an gceart chun cúitimh i leith moille ar eitilt níos faide ná trí huair tar éis an am teachta sceidealaithe, faoi Airteagail 5, 6 agus 7 de Rialachán (CE) Uimh. 261/2004 ⁽¹⁾, go gcaithfidh an paisinéir, i gcomhréir le hAirteagal 3(2)(a) de, é féin a thíolacadh le haghaidh seiceála isteach ag an am a shonróidh an t-aeriompróir, an tionscnóir turas nó an gníomhaire taistil údraithe, agus tráth nach déanaí ná 45 nóiméad roimh an am imeachta foilsithe, nó an bhfuil cás moille fada sa chiall thuasluaite díolmhaithe ón gceanglas sin – mar atá sa chás ina gcuirtear eitilt ar ceal?
2. I gcás nach bhfuil an ceart chun cúitimh díolmhaithe, ar an mbonn amháin go bhfuil moill fhada sa chiall thuas ag tarlú, ón gceanglas ar phaisinéirí iad féin a thíolacadh le haghaidh seiceála isteach, an bhfuil feidhm ag díolúine den sórt sin i gcás ina raibh faisnéis iontaofa go leor ag an bpaisinéir nach dtiocfadh an eitilt ach le moill fhada sa chiall thuasluaite?

⁽¹⁾ Rialachán (CE) Uimh. 261/2004 ó Pharlaimint na hEorpa agus ón gComhairle an 11 Feabhra 2004 lena mbunaítear comhrialacha maidir le cúiteamh agus cúnaimh do phaisinéirí sa chás nach gceadaítear dóibh bordáil agus sa chás ina gcuirtear eitiltí ar ceal nó go gcuirtear moill fhada orthu, agus lena n-aisghairtear Rialachán (CEE) Uimh. 295/91 (IO 2004 L 46, lch. 1).